

plena; et si id quod disciplinam discimus ad modum discendi referamus, juxta hanc utique acceptiōnem alia est disciplina discentis excogitando, alia discentis audiendo, alia autem discentis legendo. Ecce hanc acceptiōnem, ut vides, in humana natura potest esse disciplina trina, ubi non est nisi una eademque scientia? Quid ergo mirum si in illa natura, ubi est substantia idem ipsum quod sapientia; quid, inquam, mirum, si ibi est persona trina ubi non est nisi una sola substantia? Ecce quam plāno et aperto exemplo confirmatur quod de divina unitate vel Trinitate fides catholica cōfūstetur. Item illud consideremus, quoniam si ego, et tu, et alijs tertius eandem, et omnino æqualem scientiam habemus, nunquid majus aliquid esset mea et sua quam sola tua, vel mea et tua quam sola sua, vel sua et

A tua quam mea sola? Denique mea, et tua, et sua, nunquid majus aliquid erunt quam sola mea, vel sola tua, vel sola sua? Quis hoc dicat, nisi quod dixerit minime intelligat? Sic sane in illa Trinitate quælibet duæ personæ vel totæ tres, majus aliquid non sunt pariter acceptæ, quam sola persona ingeniī vel sola persona unigeniti, vel sola persona Spiritus sancti. In hujus nostri operis calce illud replicare et memoriae commendare volumus, sicut ex superioribus satis evidenter ostendimus, quod omnipotentiæ consideratione facile convincitur, quod non sit, sed nec esse possit Deus nisi unus, ex bonitatis plenitudine, quod sit personaliter trinus; ex plenitudine vero sapientiæ liquido colligitor quomodo conveniat unitas substantiæ cum persona-
B rum pluralitate.

DE TRIBUS APPROPRIATIS PERSONIS IN TRINITATE.

Ad divum Bernardum abbatem Clarevallensem.

Quæris a me, mi Bernarde, quid mihi videatur de illa Augustini sententia, in qua attribuitur Patri unitas, Filio æqualitas, Spiritui sancto utrinque concordia. Libenter aperio mibi alteri quod sentio, communicare volens si quid recte, vel ex quantumcunque parte sapio, simul et corrigi ambiens, si quid aliter sentio: propria, si placet, singulorum consideremus, et forte illucescat quod quærimus. Subsistētia ingeniī, quæ ab alia aliqua non est, in eo quod substantialiter vel personaliter est, nullam pluralitatem ingerit, nullam pluralitatem concludit: nam in eo quod giguit, nihil sibi, sed soli Filio consert, ut sit geniti autem subsistētia, quæ ab alia accepit quod habet, sicut nec esse per seipsum, sic nec per seipsum intelligi valet. Si igitur pluralitatem ingerit subsistētia Filii, quanto magis quæ a duobus est subsistētia Spiritus sancti? Recte igitur unitas Patri attribuitur, in cuius subsistētiae consideratione nulla pluralitas concurrere videtur. Addamus et illud, quia, quidquid substantialiter dici potest, veraciter unum est. Sed dicas, quia et hoc ei cum cæteris commune est, sed procul dubio solus Pater habet hoc secundum, ut sic dicam, principalitatem: nam cæteri secundum acceptiōnem, et juxta alterius similitudinem. Hinc ergo colligitur cur ei unitas juxta hanc considerationem quasi specialiter attribuitur. Ecce quomodo in Patre unitas, quæramus quomodo in Filio æqualitas. Certe ubi nulla pluralitas est, nec æqualitas recte vel dici, vel intelligi potest. Sicut enim nihil recte dicitur sibi simile, sic nec æquale. Itaque ubi primo pluralitas occurrit, ibi et æqualitatem primum querere oportebit. Constat autem quia Filius imago est Patris sui, non autem Pater imago Filii. Hinc illud Augustini. Non autem Pater et Filius simul ambo imago, sed Filius solus imago Patri. Audi et illud ejusdem. Imago

si perfecte implet illud cuius imago est, ipsa cœquatur ei, non illud imagini suæ. Certum est autem quod Filius plenitudinem ejus capit et exprimit, cuius imago existit. Itaque secundum sententiam Augustini, Filius coæquatur Patri, non Pater sua imaginis. Recte igitur æqualitas attribuitur non Patri, sed Filio. Sed cur, inquis, non etiam Spiritui sancto? Sed si des cur solus in Trinitate Filius dicitur imago alterius, consequenter accipies cur æqualitas attribuitur soli Filio, non autem simul et Spiritui sancto. In his vero quæ secundum subsistētiam dicuntur, non solum Filio, sed et Spiritui sancto æqualitas attribuitur, sed secundum principalitatem habet hoc solus Filius, non autem Spiritus sanctus. Verumtamen si in hujusmodi loquendi propriis servaretur, magis identitas quam æqualitas diceretur. Ecce jam habes cur unitas Patri, cur æqualitas attribuitur Filio; restat quærendum cur utriusque concordia attribuitur Spiritui sancto. Sicut qualitas nulla est sine consistentium pluralitate, sic nec quid tertium ponitur concordia duorum, sine consistentium Trinitate. In Patre origo unitatis, in Filio inchoatio pluralitatis, in Spiritu sancto completio Trinitatis. Hinc tibi eluescere debet, quam merito dicatur cæterorum concordia, ille qui est tercia in Trinitate persona. Consideremus nunc propria singulorum, et videbimus quia alia est habitudo Patris ad Filium, alia ad Spiritum sanctum. Nihilominus aliter se habet Filius ad eundem Spiritum, et aliter ad Patrem sūmum. Uniformiter autem habent tam Pater quam Filius ad Spiritum amborum, et e converso uniformiter se habet idem Spiritus tam ad Patrem quam Filium. Recte ergo cæterorum concordia dicitur, in quo habitudinis uniformitas omniformiter invenitur. Addamus et illud, quia plenitudinem concordiae facit idem velle, et idem nolle, recte itaque duorum concordia dicitur, qui est

amor utriusque. Car autem amor potius quam am-
borum sapientia dicitur, alia quæstio videtur. Nunc
vero videamus quomodo intelligendum sit, quod
Augustinus ad illa superius posita, et exposita ad-
jungit, cum dicit: Et tria hæc unum omnia propter
Patrem, æqualia omnia propter Filium, connexa
omnia propter Spiritum sanctum. Si sola ingeniti
persona fuisset nihilominus in divinitate unitas
easel. Primordialiter itaque est, ut sic dicam,
unitas in solo ingenito, sed juxta ejus simili-
tudinem, vel emanationem tam in unigenito,
quam in Spiritu sancto. Item, si sola ingeniti per-
sona eset, nulla in divinitate æqualitas fuisset;
et si sola Spiritus sancti persona decesset, nihilomi-
nus in divinitate æqualitas fuisset. Hinc est perpen-
dere quæ æqualitas primordialiter est in solo uni-
genito, juxta tamē ejus similitudinem est etiam in
Spiritū sancto. Tolle Spiritum sanctum, non erit in
divinitate qui sit connexio plurium. Sed forte ad-
huc exigis cur, existente Trinitate, omnium con-
nexio attribuatur soli Spiritui sancto. Sed scimus
quoniam reliqui duo differenter se habent ad unige-
nitum, solus autem Spiritus sanctus indifferenter
se habet tam ad ingénitum quam ad genitum, et
ambo illorum uniformiter se habent ad Spiritum
sanctum. Singulariter itaque omnium connexio at-
tribuitur Spiritui sancto. Singulariter, inquam,
quantum ad reliquias in divinitate personas, primordi-
aliter etiam quantum ad creaturas. Nam quod in
creaturis connexio solet inveniri est de imitatione,
vel similitudine Spiritus sancti. Ne mireris quod
hæc quæ supradicta sunt per remotionem posuimus,
ut ea quæ sentienda sunt planius et plenius intelliga-
mus. Primordialiter itaque unitas pertinet ad in-
genitum et idcirco in Trinitate omnia unum propter
ipsum. Æqualitas primordialiter pertinet ad unige-
nitum, et idcirco in Trinitate omnia æqualia pro-
pter ipsum. Connexio singulariter pertinet ad Spir-
itu sanctum, et ideo in Trinitate omnia connexa
propter ipsum.

Cur attribuatur potentia Patri, sapientia Filio, bonitas Spiritui sancto.

Addis adhuc ut quæras quid mihi causæ videtur
cur potentia Patri in Scripturis sanctis specialius
attribuitur, sapientia Filio, charitas vel bonitas
Spiritui sancto. Si non dixeris nisi quod in codicibus
vestris invenitur, forte superfluum judicabitur; si
quid aliud forte exsufflabitur, irridebitur. Merito
ejusmodi timere debuissem si nescirem apud quem
in aure loquens sermonem seu sensum meum ef-
sunderem. Tibi utique; tibi, inquam, libenter dico
quod sentio. Quid sit potentia, quid sit sapientia,
quid charitas vel bonitas omnes in commune no-
timus, et quotidiano experimento probamus. In
his itaque quæ manifesta et nobis nota sunt eru-
dimur, ni fallor, ad eorum notionem quæ humanæ
capacitatis modum excedunt. In his enim tribus
forma quædam et imago summæ Trinitatis expri-

A mitur, et quoddam nobis velut speculum proponitur,
ut invisibilia Dei per ea quæ facta sunt intel-
lecta conspiciantur. Quæ igitur sunt in Trinitate
ista, respondent his quæ sunt in Trinitate illa, tria
tribus, similia similibus, propria propriis, singula
singulis. Videmus quia potest esse multiplex poten-
tia etiam ubi nulla est vel esse potest sapientia.
Taceo de elementis, vel quibuslibet rebus insensa-
tis. In rebus autem animatis et brutis est potentia
audiendi, videndi, potentia ambulandi, comedendi
et bibendi, etc. bujusmodi, in his vero nulla sapien-
tia est, nulla naturaliter inesse potest. Constat ergo,
quod superius jam dictum est, quia potest esse
multiplex potentia ubi nulla potest esse sapientia.
Econtra autem ubi nulla potentia est, nulla sapien-
tia inesse potest. Nam posse sapere absque dubio
est aliquid posse. Dat itaque esse posse non sapien-
tia potentia, sed potentia sapientia. Item, constat
quod Lucifer ille, qui mane oriebatur, multam habet
potentiam, multam sapientiam, sed nullam omnino
voluntatem bonam. Bonitatis est autem bene velle.
Quid est enim bonitas nisi bona voluntas? Testis
itaque est Lucifer ille obduratus in sua perversitate
quod possit esse multiplex potentia simul et multi-
formis sapientia, ubi nulla manent bonitatis vesti-
gia. Ecclætra autem nulla bonitas inesse poterit ubi
sapientia vel potentia omnino defuerit. Nam posse
bene velle est aliquid posse. Sapientia vero est
discernere inter bonum et malum, et sine hujusmodi
discretione nescit voluntas quid sit eligendum. Ut
possis ergo bonitatem habere, oportet ut scias et
valeas bonum eligere. Potentia dat posse, sapientia
dat posse, sine quibus bonitas non prodest ad esse.
Contrahit itaque suum esse bonitas non tam a sa-
pientia quam potentia. In hac itaque rerum Trini-
tate sola potentia non est de reliquarum aliqua,
sapientia autem est de potentia sola, bonitas vero
de potentia simul et sapientia. Vides certe quomodo
in hac rerum Trinitate expressæ sunt proprietates
Trinitatis illius summæ et æternæ. Ibi est persona
ingeniti quæ non est ab alio aliquo; ibi est persona
geniti, quæ est ab ingenito solo; ibi est persona
Spiritū sancti, quæ est tam a genito quam ab inge-
nito. Quoniam ergo in potentia exprimitur propri-
etas ingeniti, speciali quoddam considerationis modo
merito ascribitur illi. Sed quoniam in sapientia ex-
primitur proprietas geniti, merito et illa juxta eum-
dem modum ascribitur ipsi. Item, quia in bonitate
proprietas Spiritus sancti invenitur, merito et ei
bonitas specialius assignatur. Ecce quomodo ex hac
rerum Trinitate surgit consideratio ex qua per
exemplum ostenditur qualiter quod de divinis pro-
prietatibus legitur intelligi valet. Sed ex eadem
rerum speculatione consideratio oriatur longe ista
sublimior, ex qua ratiocinando colligitur quod idem
ipsum omnino fateri oportet. Sed in his metam sig-
nus quoniam quæstioni vestræ nos satisfecisse jam
credimus.